

(<https://news.usm.my>).

Berita Mutakhir

19 FEB

KETUA PUSTAKAWAN USM BERSARA SELEPAS 27 TAHUN BERKHIDMAT DI USM



USM, PULAU PINANG, 17 Februari 2017 – Ketua Pustakawan Universiti Sains Malaysia (USM) Ali Abdul Rahim bersara wajib secara rasmi hari ini setelah 27 tahun berkhidmat di USM. "Saya berbangga menjadi sebahagian daripada keluarga besar USM dan berjaya membawa perpustakaan seiring dengan

Misi dan Visi USM,” katanya selepas Majlis Persaraan Ketua Pustakawan di sini, hari ini.

Ali mula berkhidmat dengan USM pada tahun 1990 di Kampus Kejuruteraan USM di Tronoh, Perak dan kemudian telah berpindah ke Nibong Tebal, Pulau Pinang.

“Pengalaman yang tidak dapat saya lupakan sepanjang kerjaya saya sebagai Pustakawan ialah semasa perpindahan Kampus Kejuruteraan ke Nibong Tebal dengan diberi masa hanya satu bulan untuk menyiapkan keseluruhan perpustakaan di kampus baharu.



“Namun, pada masa itu, rakan-rakan seperjuangan berganding bahu memindahkan kotak-kotak yang berisi buku dari tingkat satu ke tingkat empat tanpa menggunakan lif,” kata anak kelahiran Gopeng, Perak ini.

Tambahnya, walaupun beliau memegang jawatan sebagai ketua pustakawan baru setahun setengah, namun beliau berbangga dengan perubahan yang dilakukannya sejajar dengan transformasi yang dilakukan oleh USM.

“Perpustakaan USM berjaya membangunkan sistemnya sendiri di mana sebelum ini kita telah menggunakan perkhidmatan daripada pihak luar dan ini telah berjaya menjimatkan kos sebanyak satu juta ringgit.



“Di samping itu juga, Perpustakaan USM juga telah berjaya mengurangkan kos penyelenggaraan sistem tersebut sebanyak RM150,000 setahun,” jelas beliau.

Ali turut melahirkan harapan yang segala perancangan strategik sebelum ini dapat direalisasikan agar USM terus cemerlang dalam pelbagai aspek.

“Saya berharap kepemimpinan baru selepas ini akan meneruskan segala agenda strategik yang telah diusahakan mahu pun dirancang dalam membantu universiti mencapai matlamat yang diingini,” kata bapa kepada empat cahaya mata ini.



Majlis itu turut diraikan hampir 200 orang staf perpustakaan termasuk daripada Kampus Kejuruteraan USM dan Institut Perubatan dan Pergigian Termaju (IPPT USM).

Yang hadir sama pada majlis tersebut Pendaftar USM, Prof. Dato' Dr. Abdul Aziz Tajuddin, Bendahari USM, Dr. Rohayati Md. Isa, dan Pengarah Penerbit USM, Akhbar Salleh.

Teks: Syuhada bt Abd Aziz



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015